

**Uunga siunnersuut: Inissianik attartortitsisarneq pillugu Inatsisartut peqqussutaata allanngortinneqarnera pillugu Inatsisartut inatsisaat nr. xx, xx. xx 2017-imeersoq (Sulisunut inissiamik tigusinissamut ukiunik 7-inik maleruagassaqaqarnermut allanngortitsineq)**

*(Saqq.: Kommunit, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)*

**pillugu**

**Sanaartornermut ataatsimiititaliap**

**ISUMALIUTISSIISSUTAA**

**Siunnersuutip aappassaaneerpeqarneranut tunniunneqartoq**

Suliarineqarnerani Ataatsimiititaliaq ukuninnga inuttaqarpoq:

Inatsisartunut ilaasortaq Bendt B. Kristiansen, Inuit Ataqaqatigiit, siulittaasoq  
Inatsisartunut ilaasortaq Jens-Erik Kirkegaard, Siumut, siulittaasup tullia  
Inatsisartunut ilaasortaq Anders Olsen, Siumut  
Inatsisartunut ilaasortaq Jess Svane, Siumut  
Inatsisartunut ilaasortaq Villy Olsvig, Inuit Ataqaqatigiit

UPA 2017-ip nalaani ull. 25. April 2017 siullermeerereermermi Ataatsimiititaliap siunnersuut misissorpaa.

**Siunnersuutip imaa aamma siunertaa**

Inissianik attartortitsisarnermut peqqussutip allanngortinnissaa siunnersuutikkut siunertaavoq, taamaalillutik sulisunut inissiani attartortut inissiartik attartortittakkatut nalinginnaasutut sukkanerusumik tigusinnaassammassuk, taamaalillutillu suliffimminnik taarsiinissaminnut annertunerusumik kiffaangissuseqarnissaminnik isumannaarunneqassallutik.

**Siunnersuutip Inatsisartuni siullermeerneqarnea**

Siunnersuummut nalinginnaasumik tapersersuisoqarpoq, taamaattorli siunnersuut annertunerusumik misissugassanngorlugu ataatsimiititaliami suliaassatut innersuunneqarpoq.

**Tusarniaanermiit akissutit**

Tusarniaanermiit akissutit inatsisissatut siunnersuummut kakkiunneqarput, tamannalu ilusiliinissamut piunnaasaqatitut naapertuuppoq.

Inatsisissatut siunnersuut piffissami 2016-imi 19. Decemberimit 2017-imi 6. Februar-imut susasaqartunut naleqquttunut tusarniaassutigineqarsimavoq, tusarniaasarnermillu nittartakkamut ilanngunneqarsimalluni. Tamanna ileqquusumik periuserineqartartumut naapertuuppoq.

Tusarniaanermiit akissutit nassiunneqarsimasut ataatsimiititaliap misissorpai.

Ataatsimiititaliap nalilerpaa, oqaaseqaatit nassiunneqarsimasut inaarutaasumik inatsisissatut siunnersuummut tatiginassuseqartumik issuaaffigineqartarsimasut.

Inatsisartut peqqussutaata allanngortinnissaanut atatillugu ataatsimiititaliap maluginiarpaa, Kalaallit Nunaanni Naalagaaffiup Sinniisoqarfia siusinnerusukkut neriorsorneqarsimallutik, Inissianik attartortitsisarnermut peqqussummi allannguinikkut, inatsisartut peqqussutaata allanngortinnissaani naalagaaffimmi atorfeqarlutik sulisunut inissiani najugaqartunut allannguisoqassasoq. Tamanna ilanngunneqarsimasutut isikkoqanngilaq.

Nunatta Eqqartuussiviani eqqartuussisup ajornartorsiut taanna aamma maluginiarpaa.

**Ataatsimiititaliap siunnersuummik suliaqarnera**

Inatsisissatut siunnersuummut saqqummiunneqartumut Inatsisartut aalajangigaat UKA 2016/69 aallaaviuvoq.

UKA 2016/69-imut ataatsimiititaliap isumaliutissiissummini ima allappoq:

*Inissianik attartortitsisarneq pillugu Inatsisartut peqqussutaanni nr. 2, 12. maj 2005-imeersumi isumaliutissiissut Ataatsimiititaliap misissuinerminut atatillugu nassaarisimava. Tassani ima allassimasoqarpoq:*

*"Allannguutit ilaat Inatsisartut Attaveqarnermut Ineqarnermullu Ataatsimiititaliaannit maluginiarneqartoq tassaavoq sulisunut inissiat ukiut arfineq marluk najugarineqareernerisigut inissiatut nalinginnaasumik attartukkatut tiguneqarsinnaalernissaat. Tamatuma saniatigut soraarninngortut sulisunut inissiami ukiut pingasut najugaqarsimagunik soraarninngornerminni taassuma tiginissaanut periarfissinneqarnerat pissusissamisoortutut ataatsimiititaliamit isigineqarpoq. Iliuutsit taaneqartut ineqarneq suliffeqarnerlu eqqarsaatigalugit nikerarsinnaassuseqarnermut annertusaaqataallutillu suliffeqareernerup kingorna soraarninngortut amerlanerit nunatsinniiginnarnissaannut periarfissiipput."*

*Oqallinnermi tunngavilersuutitut saqqummiunneqartut tunngavigalugit aamma pineqartoq pillugu ataatsimut isigalugu naliliineq tunngavigalugu Ataatsimiititaliap nalilerpaa, sulisunut inissiani ineqartut tamarmik naligiissinneqarnissaat tulluartuussasoq, taamaalilluni sulisunut soraarnerussutisiaqalernissaminnut atatillugu immikkut pisinnaatitaaffeqartoqassanngilaq, tamannami maanna Inissianik attartortitsisarneq pillugu Inatsisartut peqqussutaanni § 21, imm. 3-mi atuummat.*

*Ataatsimiititaliarli naliliivoq ukiunit tallimanit allaanerusemik allannguisoqassappat tamanna naapertuutissanngitsoq, tamannalu siunnersuummut naapertuuppoq.*

UPA 2017-imut pineqartup suliarineqarnerani ataatsimiititaliaq allatut naliliinissamut tunngavissaqanngilaq.

Ataatsimiititaliaataq maluginiarpaa, Inissianik attartortitsisarneq pillugu ataatsimut isigalugu nutarterisoqarnissaanik naalackersuinnikkut kissaateqartoqartoq. Suliaq tamanna ataatsimiititaliap qilanaaraa.

### **Siunnersuutip aningaasatigut kingunissai**

Siunnersuutip piviusunngornerani aningaasatigut kingunissai siunnersuutip nalinginnaasumik nassuiaatitaani allaaserineqarsimapput. Allanngueq tunngavigalugu aningaasatigut aqutsinikkullu kinguneqarnissaa naatsorsuutigineqanngitsoq tassani taaneqarpoq.

Ataatsimiititaliaq allatut naliliinissamut tunngavissaqanngilaq.

Ataatsimiititaliali maluginiaquaa, piunasaqaatip ukiunit arfineq marlunnit ukiunut tallimanut sivikillinerani allaqussassaannngitsumik pisortat akissaajaataasa annikillinissaat naatsorsuutigineqartariaqartoq, ingammik nuunnermut nuunnermilu assartuinnermi akissaajaatit pissutigalugit.

### **Ataatsimiititaliap inassutaa**

**Ataatsimiititaliap** isumaqatigiittup tamanna tunngavigalugu siunnersuut Inatsisartunit akuerineqassasoq inassutigaa.

Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut aappassaaniigassanngortippaa.

---

Bendt B. Kristiansen,  
Siulittaasoq

---

Jens-Erik Kirkegaard,  
Siulittaasup tullia

---

Anders Olsen

---

Jess Svane

---

Villy Olsvig